

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

- 1. Innarluutillit illersuisoqarfiat Tilioq maannamut killiffia qanoq ingerlava?**
- 2. Aningaasat ukiumut 2.5 mio. kr. aallartisarnermut aningaasaliissutigineqartut ilumut Naalackersuisut naammattutut isigaat?**
- 3. Tilioq aningaasatigut naammattusaarnermini ilassutitut aningaasaliissutinik qinnuteqarsimagaluarnerat sumik tunngaveqartumik itigartinneqarsimava?**
- 4. Naalackersuisut namminneerlutik Tilioq ornillugu tusarniaaffigisimanerpaat?**
- 5. Kommuneqarfiit Socialstyrelsemut nalornissutinik saaffiginnittarnerat ingerlajunnaarluni Tiliumut saaffiginnittalersimanagerat pissusissamisoorpa?**
- 6. Tiliup iluani sulisut amerlanerulersinnaanerannik Naalackersuisut qanoq aaqiisinnaanerminni pilersaaruteqarpat?**

(Inatsisartuni ilaasortaq, Laura Táunâjik, Siumut)

Tunngavilersuutit:

Tilioq aallartinnerminiilli malunnaateqarluartumik innuttaasunit annertuumik atorfissaqartinneqarnera maannamut takussutissaqalereersimavoq. Inuit maannamut 100 pallilugit saaffiginnissuteqareersimapput, taakku saniatigut Kommuneqarfinniit nalorniffitillutik aamma saaffigineqartalersimapput. Tilioq annertuumik atorfissaqartinneqarnera pillugu nunarput isorartooq tamakkerlugu sullittussaavaa. Sulisulli ikippallaarput suliassat qaleriissut naammassinissaannut. Aningaasatigulli pisariaqartitsinerat Naalackersuisunit immikkut taperseqartariaqaraluarnera assut ersarikkaluarluni. Taamaattumik pingaaruteqarpoq sulisut pikkorissut aalajaallutik sulissappata naapertuuttumik atugassaartinneqarnissaat. Suliassarmi innarluutillit pillugit annertuvoq simmasillunilu, ilaqutaasullu allallumi innarluutilinnut illersuijumasut nipiliortuunngillat kisiannili siunissami aggersumi qularutissaanani suli annertusigaluttuinnarnissaa. Taamaattumik kissaatiginarpoq Naalackersuisut innarluutillit pillugit illersuijuaannarnissaat pitsaanerpaaffimminiissasoq.

Kissaatigaara apeqquqteqaatiga ullut suliffiusut 10 ingerlanerani akineqassasoq.